



Bandieris e colôrs in curve: un mosaic di significâts ducj furlans!

Se si cjale la curve Nord dal stadi Friûl, cuant che l'Udin al zuie in cjase e e je plene di tifôs, il voli al cole daurman sui colôrs des bandieris che a svolin legris par sostignî la scudare dal cûr.

Cjaland ben, tal mieç des siarpis blancjis e neris, si viodin soredu trê bandieris: chê dal Friûl, chê di vuere dal Patriarcjât di Aquilee e chê de scudare dal Udin.

Daûr di ogni toc di tele che si dopre tant che bandiere al è simpri un significât di identificazion. Ma si sêso mai domandâts la lôr origjin e il lôr significât?

La bandiere de comunitât furlane e je formade di un drape di forme retangolâr cun al centri une acule eraldiche di aur cun alis spleadis, cjâf a çampe, bec viert e sgrifis rossis, metût in cjamp celest. Lis origjinis di cheste bandiere a van indaûr ae Patrie dal Friûl, il principât storic furlan che al fo autonom dal 1077 al 1420, sot dal control dal Patriarcje di Aquilee. La acule eraldiche, arme uficiâl de Patrie, e



je un dai sigjii dal principât (tant che chel di Marcuart di Randeck) e si cjatave su lis monedis batudis dai patriarcjis e in pituris sui mûrs. Al è ancje cui chel al dîs che la figure e rapresenti un grifon no eraldic, ma naturalistic o che al vegni fûr dal steme nobiliâr dal Patriarcje Bertant. Vuê la bandiere si pues viodi in tancj lûcs publics dongje de bandiere de region FV-J, di chê taliane e di chê de Union Europeane. E ven soredu metude fûr te ocasion de ricorence dai 3 di Avrîl, aniversari de istituzion dal principât ecclesiastic de Patrie dal Friûl. Cussî i tifôs a mostrin la lôr identitât ancje cuant che a son al Stadi.


Une altre version storiche alternative di cheste bandiere, e che di cualchi timp in ca si viôt svintulâ te curve Nord, e je chê doprade dal Patriarcjât di Aquilee in timp di vuere che e à un sfont ros invezit che celest. La bandiere di vuere e je par solit doprade dai reparts militârs e e ven definide ancje bandiere di combatiment. E je tradizion che e sedî difindude fin ae muart. La bandiere e à dut cûs un significât simbolic: ogni soldât dal repart al varès di jessi pront a dâ la sô vite par cheste, puartantle tal cûr e onorantle. Par solit ogni militâr al fâs il so zurament denant de bandiere di vuere. Svintulâl e in curve al vûl di jessi prontos a no molâ

mai par amôr di ce che si crôt. Se o cjalin po dopo al colôr che si viôt di plui tal mieç de curve, dal sigûr chest al è chel blanc e neris. E alore ve ca che si rive ae bandiere de scudare furlane che, te sô storie lungje 120 agns, e à vût cetancj stemis che però a ricuardin ducj il colôr e il steme de citât di Udin. I colôrs sociâi a son duncje il blanc e il neris e di chescj doi colôrs a vegnin fûr i sorenons principâi dâts ae scudare "blanc neris" e "zebrutis1896". Il prin steme de scudare al è dai prins agns setante e al à un scût cun dentri des strissis verticâls blancjis e neris, e lis trê letaris "ACU" (Associazione Calcistica Udinese). Il secont al comparis tai prins agns '80, cu la vignude dal president Lamberto Mazza, là che dentri dal scût cu la "V" ribaltade, tant che il steme dal Comun di Udin, e ven metude la



dai blanc neris te stagjon 1995-96: il scût al è cenglât di un cercli prime grîs e po neris, che al torne grîs te stagjon 2010-11, cheste volte cun dôs ramacis di orâr che lu contornin. Plui voltis i tifôs a àn domandât di meti la acule dal Friûl su lis mais blancjis e neris, richieste che no je mai stade çapade sù de societât ancje par vie des normis che a son in vore. Tal 2008 e fo contestade a fuart dai tifôs fintremai la sielte de societât di meti su lis mais il steme de region Friûl Vignesie-Julie e no il steme dal Friûl, segn di une fuarte e clare identificazion cul Friûl e la sô storie.

Dut cûs lis maglis celestis, zalis, rossis, blancjis e neris a dan colôr a cheste part dal Stadi che plui di cualchi volte si slargjin ancje a chei altris setôrs tun mosaic tipichementri furlan!



"Z" de Zanussi, societât parone di dutis lis azions de Udinese Calcio, e parsore e fo metude la scrite in minuscul "udinese calcio". Il tierç steme al è une variante dal secont, cun di fat jessude di sene la Zanussi e la acuisizion de societât di bande di Giampaolo Pozzo e scomparis la "Z" e al reste dome il scût cul steme di Udin. Il cuart al ven fûr su lis mais

Elena Zanussi

Par informazions:
www.arlef.it-arlef@regione.fvg.it
tel. 0432/555812

Par cure de:

